

Prijedlog

**POSLOVNIK O RADU
KANTONALNE KONFERENCIJE
SINDIKATA SREDNJEG I VISOKOG OBRAZOVANJA,
ODGOJA, NAUKE I KULTURE BiH TK**

1

17. oktobar/listopad 2020. godine

Na osnovu člana 58. Statuta Sindikata srednjeg i visokog obrazovanja odgoja, nauke i kulture BiH, Kantonalna konferencija Sindikata srednjeg i visokog obrazovanja, odgoja, nauke i kulture BiH Tuzlanskog kantona, na redovnoj sjednici održanoj dana 17.10.2020.godine, donosi:

POSLOVNIK
O RADU KANTONALNE KONFERENCIJE SINDIKATA SREDNJEG I VISOKOG
OBRAZOVANJA, ODGOJA, NAUKE I KULTURE BIH TK

Član 1.

Poslovníkom o radu Kantonalne konferencije Sindikata srednjeg i visokog obrazovanja, odgoja, nauke i kulture BiH TK (u daljem tekstu: Poslovník) utvrđuje se način rada, način priprema i sazivanja sjednica, te druga pitanja značajna za uspješán rad Kantonalne konferencije Sindikata srednjeg i visokog obrazovanja, odgoja, nauke i kulture BiH TK (u daljem tekstu: Konferencija).

Član 2.

U radu Konferencije učestvuju delegati i gosti Konferencije.

Status delegata imaju delegati iz sindikalnih organizacija SSVOONK BiH TK u skladu sa odlukom Kantonalnog odbora SSVOONK BiH TK (u daljem tekstu: Kantonalni odbor) i to: predsjednici sindikalnih organizacija, članovi Kantonalnog odbora i Nadzornog odbora SSVOONK BiH TK, kao i članovi viših organa i tijela Sindikata srednjeg i visokog obrazovanja odgoja nauke i kulture BiH koji su izabrani iz Kantonalne organizacije SSVOONK BiH TK.

Status delegata mogu imati i delegati imenovani odlukom Kantonalnog odbora.

Član 3.

Predsjednik Kantonalnog odbora saziva Konferenciju.

Poziv sa dnevnim redom dostavlja se delegatima 10 dana prije održavanja Konferencije.

U izuzetnim slučajevima i zbog hitnosti, Konferencija može zauzeti stavove i donositi odluke iz svoje nadležnosti na telefonskoj/elektronskoj sjednici na način da predsjednik i najmanje dva člana Konferencije uz telefonsku konsultaciju sa drugim članovima Konferencije zauzmu stavove i donesu odluke, o čemu se sačinjava poseban zapisnik.

Član 4.

Konferenciju otvara predsjednik Kantonalnog odbora.

Na prijedlog predsjednika Kantonalnog odbora Konferencija bira Radno predsjedništvo do 5 članova, kojim predsjedava predsjednik Kantonalnog odbora (u daljem tekstu: Predsjedavajući) i članovi.

Radno predsjedništvo Konferencije rukovodi radom Konferencije i po potrebi predlaže Konferenciji odgovarajuće odluke i zaključke.

Radno predsjedništvo predlaže Konferenciji prijedlog Dnevnog reda koji je utvrdio Kantonalni odbor. O prijedlogu Dnevnog reda Konferencije otvara se diskusija. Nakon diskusije i glasanja utvrđuje se Dnevni red Konferencije.

Član 5.

Na prijedlog Radnog predsjedništva Konferencija iz reda svojih delegata bira slijedeće komisije kao radna tijela:

1. Komisiju za verifikaciju punomoći delegata Konferencije od tri člana,
2. Komisiju za izbore od tri člana,
3. Komisija za zapisnik i zaključke od tri člana.

Radno predsjedništvo će, shodno tome da li se radi o redovnoj, izbornoj ili vanrednoj sjednici Konferencije, predlagati odgovarajuće Komisije u svojstvu radnih tijela.

Delegati Konferencije mogu na predloženi sastav radnih tijela Konferencije staviti primjedbe i iznijeti svoje prijedloge, o čemu se otvara diskusija.

Nakon diskusije prijedlog sastava radnih tijela se stavlja na glasanje.

Član 6.

Komisija za verifikaciju punomoći delegata Konferencije provjerava punomoć delegata i o tome podnosi izvještaj Konferenciji. Na osnovu izvještaja Komisije utvđuje se da li Konferencija može punovažno odlučivati.

Član 7.

Konferencija može punovažno odlučivati ako joj prisustvuje više od polovine opunomoćenih delegata sa pravom glasa na Konferenciji. 3

Odluke se donose većinom glasova prisutnih delegata na Konferenciji.

Član 8.

Diskusije na Konferenciji vode se usmeno. Predsjedavajući daje riječ učesnicima u diskusiji po redoslijedu prijavljivanja.

Diskusije mogu trajati najduže pet minuta, a Radno predsjedništvo može u izuzetnim slučajevima produžiti ovo vrijeme.

Replika na diskusiju može trajati najduže tri minute, s tim da Predsjedavajući može oduzeti riječ ukoliko replika ne doprinosi uspješnom radu Konferencije.

Član 9.

Delegati i gosti prijavljuju se za diskusiju Radnom predsjedništvu pismenim putem i predsjedavajući im daje riječ po redoslijedu prijavljivanja.

Svaki učesnik u raspravi, po pravilu, po određenoj tački Dnevnog reda, može se prijaviti na diskusiju samo jedanput.

Nakon završene diskusije i iznesenih prijedloga po svakoj tački Dnevnog reda, Predsjedavajući definiše odgovarajuće prijedloge odluka, zaključaka ili stavova.

Član 10.

Kantonalni odbor predlaže Konferenciji prijedlog liste kandidata za izbor članova Kantonalnog odbora, Nadzornog odbora, kao i prijedlog liste kandidata za predsjednika Kantonalnog odbora i predsjednika Nadzornog odbora Kantonalne organizacije.

Delegati Konferencije mogu na predloženi prijedlog liste kandidata staviti primjedbe i iznijeti svoje prijedloge o čemu se otvara diskusija.

Ako prijedlozi koje su dali i obrazložili delegati dobiju natpolovičnu većinu prisutnih delegata, isti se dodaju na liste kandidata koje je predložio Kantonalni odbor.

Konferencija će utvrditi prijedloge kandidata za članove organa i nosioce funkcija koji se biraju na Kongresu SSVOONK BiH ili ovlastiti Kantonalni odbor da uradi iste.

Član 11.

Komisija za izbore utvrđuje rezultate glasanja za predsjednike i članove organa iz člana 10. stav 1. ovog Poslovnika.

Nakon završenog glasanja Izborna komisija Konferenciji podnosi izvještaj o toku i rezultatima izbora.

Član 12.

Izbori se vrše tajnim ili javnim glasanjem dizanjem ruke ili glasačkog listića.

Izbori su punovažni ako je glasalo više od polovine delegata Konferencije, a izabrani su oni kandidati koji dobiju natpolovičnu većinu glasova prisutnih delegata Konferencije.

Član 13.

Ako izborna lista ima jednak broj kandidata broju kandidata koji se bira, u pravilu, glasanje se vrši javno.

Ako izborna lista ima veći broj kandidata od broja kandidata koji se bira, u pravilu, glasanje se vrši tajno.

Ako u prvom krugu glasanja predloženi kandidati ne dobiju natpolovičnu većinu glasova ili ako postoje kandidati sa istim brojem glasova, glasanje se ponavlja.

Kandidati koji u drugom krugu glasanja dobiju veći broj glasova smatraju se izabranim.

Ako bude potrebno, nakon drugog kruga obavlja se glasanje u trećem krugu, itd. na isti način kao i u prethodnom stavu ovog člana, a izbori se ponavljaju sve dok se ne izabere potreban broj kandidata.

Član 14.

Komisija za zapisnik i zaključke prati rad Konferencije, vodi zapisnik kojim se evidentiraju učesnici u diskusiji i njihovi prijedlozi, evidentira usvojene odluke, zaključke, izvještaje i drugo.

Član 15.

Zapisnik rada Konferencije vodi se u knjigu zapisnika i mora da sadrži slijedeće:

- vrijeme i mjesto održavanja Konferencije,
- utvrđivanje broja prisutnih delegata,
- evidenciju ostalih prisutnih,
- podatak o utvrđivanju dnevnog reda,
- tok diskusije učesnika,
- donesene odluke, zaključke, izvještaje i dr.
- vrijeme zaključenja Konferencije.

Zapisnik ovjerava Predsjedavajući i predsjednik Komisije za zapisnik i zaključke.

Izvod iz zapisnika sa odlukama i zaključcima se arhivira i dostavlja sindikalnim organizacijama i Upravnom/Glavnom odboru SSVOONK BiH.

Član 16.

Za pitanja koja nisu regulisana ovim Poslovníkom, primjenjivat će se odredbe Statuta Sindikata.

Član 17.

Ovaj Poslovník se razmatra i usvaja na početku rada Konferencije, a smatra se usvojenim ako se za njega izjasni većina od prisutnog broja delegata Konferencije.

Član 18.

Poslovník stupa na snagu danom usvajanja na Konferenciji.

Broj: 02-...../2020
U Tuzli, 17.10.2020. godine

M.P.

PREDSJEDAVAJUĆI KONFERENCIJE
